



Geassat 1999

ÁVŽŽIS TROANDIMII DÁNSUT

Golbma oambeležaga, 14-jahkásaččat Rávdna Biret Márja Eira, Ellen Sofie Henriksen ja 13-jahkásaš Margrethe A. Turi (ovddabealde) vuite dánsunoasi Nuoraid Kulturdeaivvadeanis fylkkadásis ja suohkandásis. Dál sii leat Troandimis gilvohallame eará Norgga fylkkaid ja suohkaniid vuitiiguin.

(Govven: Áššu / Anders J. Bals / Nilsse-Nillasa Johan Máhte Ánte)

UKM-gilvvut riikkadásis:

Ávžžis Troandimii dánsut

**Guovdageainnus: Dán vahkkolo-
ahpa leat Nuoraid Kulturdeaivvadeapmi
(UKM) gilvvut riikkadásis Troandimis. Guovda-
geainnus servet golbma oambeležaga gilvuide, ja sii
gohčodit iežaset «Blue Dancers». Sin dánsunbihtá
namma lea «I'm so exited». Áššu deaivvadii
singuin ikte duorastaga, ovdal go sii
dolleje Troandimii.**

NILSSE-NIILLASA JOHAN MÁHTE
ÁNTE

Nuoraid Kulturdeaivvadeapmi, dahje UKM, movt dat dábálaččat gohčoduvvo, lea gilvu nuoraide gaskal 13 ja 20 jagi. Sii servet iešgudeflágan osiide, nugo musihkkii, dáidagii dahje lávdedáidagii. Sii geat riikkagilvuide servet leat vuos álggos vuoitán UKM-gilvuid suohkandásis, ja das manjel vel fylkkadásis. UKM álggahuvvui 1987:s.

Guovdageainnus guokte vuoti, Karášjogas okta

Guovdageainnu suohkanis leat guokte vuoti, namalassii «Blue Dancers» iežaset dánsunbihtáin, ja «Sámu Bojat» nammasaš filbma. Dan leat guhtta Guovdageainnuora ráhkadan, ja sis ii leat go okta vuolgimin Troandimii. Sii geat leat ráhkadan filmma leat: Mihku T. Østmo (14), Johan Thomas Hætta (14), Berit Kristine Eira Bjørn (14), Bernt Roger Somby (14), Svein

Are Eira (14) ja Roy Arthur Olsen (14). Sis lea Bernt Roger Somby vuolgimin filmma čájehit Troandimii. Karášjogas lea okta vuoti, ja su namma lea Nils Ásllat Kildedam. Son lea 16 jagi boaris, ja son vuolga dohko iežas skulptuvrrain man lea namman «Scooter». Sotnabeaivvi dihtet nuorat leat go sii vuoitán iežaset oasi gilvuis.

Nuorra dánsejeaddjit

«Blue Dancers» eai loga iežaset gal balus, juste ovdalaš go leat mátkái vuolgimin.

Sin mielas lea baicca hui somá go beset vuolgit mátkkostit. Go Áššu jearrá leat go sii hejot oaddán ija ovdal go vuolgimin leat, vástidit sii ahte sii leat hui bures oaddán.

– Jus livččimet iddes árrat vuolgimin, de gal livčče soaitán leat nahkárat oalle heajut. Muhto dál eai gal leat. Mun lean áibbas bures oaddán, čilge Ellen Sofie.
– Mun gal in oaddán nu beare bures, muhto dat ii lean dan dihte go lean balus. Lei nu báhkka mannan ija, in báljo sáhtán oaddit, lasihastá Margrethe.

Bures hárhjhallan

Golbma oambeležat mitalit maid Áššui ahte sii leat bures hárhjhallan, dan dihte eai leat nu balus go galget oallut olbmuid

id ovddabealde dánsut. Sii leat maid várra hárhjánan dál dánsut ovddabealde olu olbmuid, go dál lea goit unnimusat goalmát geardde go dan dahket.
– Mii gal leat oalle olu hárhjhallan. Oddajagimánus vuittiimet suohkana UKM-gilvvu, ja de fas manjel fylkka UKM-gilvvu, nu ahte eai leat nu guhkes áiggit gollan ahte eat leat dánson, muitala Ellen Sofie ja Rávdna Biret Márja.

Iežaset hápma

Dánsejeddjiin lea maid iežaset hápma, maid ieža lohket earenoamázin. Sii ledje háhppehan juo daid páhkket sehkkii go Áššui deaivvadii singuin.
– Mis leat ovdamearkkadihte vuovttat njuolga áibmui, go leat gárvodan dánsunládje, háhppehit sii oktiinjálmuid mitalit Áššui journalistii ovdal go ain vulget ráhkanit mátkái. Nuorra artisttat orrot fuomášan ahte ii journalistii gille badjelmeare áiggi bidjat.